



越城縣廣勝寺

法觀經

圖

西晉月氏國三藏竺法護譯

佛言弟何以故數息用息輕易知故以世間人皆貪身未能捨身守意又身中事難分別皆不信本無意不止何以有故說空意顛倒習息見有無故先說息稍稍解人意上頭為數已得行為第一禪

佛言坐禪當三定何等為三定一者身定二者口定三者意定痛痒止為身定聲止為口定意念止為意定念止者為受行常念道聲止者斷四惡痛痒止者為不墮貪意在內已身定口定意足當立戒身意持持者為一切無所犯又身意持名為治治者意持意行三十七品經故經言所不識所不能止為息中不識意去時不能止意去如是當精進行出力守政坐又手伍頭持意內者心中墮自生滅當識意去時已識當能止便不隨蓋蓋在戲疑聽六根如是為不可佛言數息意今息數不互何意念意為互行

佛言已三定戒應律為道法愛行道故經言貪道法行道已坐行道上夜後夜驚意守食時至禺中日西至夕名為四守當精不離是勤力夜半日出日中晡時是名為四正讀經經行旋塔內外自觀身體內視五滅外從頭至足從足至頭一一觀視斯何等皆當臭敗節解墮本無所有來作去亦滅盡無所有反覆個念用數心意復不解眼見死人諦念從頭至足若坐若起若飲食常念著心中用堅其心是為數念出息入息念滅時已覺息滅盡時無所有按計思惟知人物皆當復盡意止已定便知空故經言一者勤力二者數念三者思惟佛言自觀身有時當觀他人身當觀身者為按計當觀他人身者為自觀身意者當觀他人身死敗有時可自觀身亦可觀他人身可自觀者為自觀身意不著可觀他人身亦為觀他人身意不著有時不可自觀身亦不可觀他人身不可自觀身者為自見身肥白好不可觀他人身亦為見他

人身肥白好端正賦眉赤絮見肥當念臙脹見白念死人骨見臙眉念死人欲壞時色轉青黑見赤絮念血皆當壞敗何等可貪

是意自觀身有三十二物者計髮毛爪齒骨皮肉五藏十一事屬地液涕唾膿血肪髓汗小便七事屬水濕熱主消食二事屬火風有十二事是三十二物皆從地水火風出何等為他人生從穀精氣穀為地意為種精氣為水雨便合生身故求一衣一食是為養氣護主人身為本無故滅盡無常得道便知身非身念身不久要當死敗意為人種便守意一心癡人不守意護魂神但養四柯為色味所欺謂身是我計不知惡一切從身起飯食貪味便墮苦往來生死不脫幸逢惡對魂神空去趣善惡之道身死墮地日夜消腐亦本無所有得意行故化成身死皆歸土万物亦亦皆當過去是為非常

人不自計多念万端皆不為一以是為苦身死索棄万物亦亦滅是為已

復生生復苦便作善惡行種栽未知所趣是為非身道人行道當為斷人不知四非常終不得道以自計身視諸死敗知人物皆無所有意便守止得行歡喜已得行心便安不離五者其心一是道

佛言念身觀頭髮腦念髮本無所有來作為化成皆當腐落腦如凝米粥皆當臭敗眼但有宛水皆汁出空垢耳但有肉垢皆穿漏鼻口涕唾皆流棄消壞舌咽喉肺肝心中惡血肝膽膈脾著膈腎著脊膈中有未消食大腹有屎小腸泡有屎發便腹少增減身死氣盡皆當臙脹壞爛腸胃屎屍相澆潰臭處可惡下有尻肉兩脰兩足肌肉稍盡筋脉壞敗骨鏢節節解墮脛脛確政日髀骨如車輪尻骨與脊骨相連脊與肋骨相連肩骨與肘骨手相連皮革消腐節節解墮頸骨與髑髏相連肉血消盡磨磨但有骨氣出不報為死人身便正直不復攝風去身冷火去黃汁從九孔流出水去死不復食地去三四日色轉正青膿血

從口鼻耳目中出正赤肌肉壞敗骨正白久久轉黑作灰土視郭外臭死人死人骨如是自身亦如是皆當滅盡是為空出息盡時便知空知空便知身空何以故知命近在息空故

佛言是意當先觀思惟滅念待息意便守言意不出身為道人待在外為万物念在內為思識欲滅念待當念物非常敗皆非我所我亦非物主意念死時持何等去持善持一必持經多作多樂故佛言是汝物持去其餘一切皆非我所意當識念何等恩愛會當別離各自消腐念之但乱人意墮人罪要當還身守淨趣泥洹道佛從一心至九道念四色皆當消滅謂人死四五日欲臭壞色轉正青五日六日膿血從口鼻耳目中出正赤後肌肉壞敗腸膿生重還自食皮草消腐骨顏正白久久轉黑作灰土明地水火風空皆非我所意汝從无數世以來亦為人作妻子奴婢亦作畜生牛馬重為勤苦重負亦為人所屠剥膾炙今為人復所人作妻子奴婢

法華經 第六卷 國字號

亦取畜生屠剥膾刺斫自在身死皆當復受行道入汝寧見死人不氣絕便无所知身挺正直便臭壞可惡諦念便畏不欲見何以故不怖一心一心令人上天得涅槃道佛知九道皆空無所有故還就一心行道入急滅念待無所他知便至拘深國行拘深國在所見用不在故不見

佛言意欲貪念非常敗壞當念對瞋恚念等心愚癡念本一切行非常無為安隱人不知非常終不去貪亦不離薛荔道世間所有如夢耳夢飯食見好寤便不見世間所有如是生便死適成便壞要皆歸空當何等可貪人有妻子財產亦亦何以故人治生得錢利時若家室合會喜樂辟如飛鳥聚會亦皆无常一旦別離亦便不見正使有憂恐万苦意在生死中為日積罪黠人自約少欲趣求一衣一食從定意行不求地止常還身守淨斷求念空

法華經 第七卷 國字號
我逝生死五道從六衰起人生心意本自善無有貪愛痛痒思想生死識為耳目鼻口所欺目光視色耳聲音鼻知香口知味身知寒温粗細心為作十事成五陰意為識合為六衰因作善惡行種裁從是便有老病死五道末道欲斷生死故目守意止自色止耳聲止鼻香止口味止身如斷六衰行觀懷心念坐禪滅意識得道者五陰悉滅知本無便念空想空任向涅槃問所以守意者意為識主行故惡六衰為禍行種五首根本道人精思自守四意欲止無邪念識思想走何道人欲滅念識思想當一切行非常斷身十事身口意三者從五陰六衰乃止三定者口無所知為口定身無所知為身定意無所復念為意定

法華經 第八卷 國字號
八天啓四者知空滅空是為得出二十八天啓空滅乃為隨道故經言行道覺者得出謂覺苦空非身非常得出者謂得出四要界得第一禪上七天無有身景何以故行道壞身故

法觀經

法觀經

校勘記

- 一 底本，金藏廣勝寺本。
- 一 九〇二頁中一行經名，資、磧、普作「法觀經一卷」。卷末經名同。
- 一 九〇二頁中二行譯者，資、磧、普、徑、清作「西晉竺法護譯」。
- 一 九〇二頁中三行第三字「弟」，資、磧、普、徑、清、麗作「第一」。

- 一 九〇二頁中一三行第七字及一九行第九字「墮」，資、磧、普、徑、清作「隨」，次頁上一七行第五字資同。
- 一 九〇二頁中一三行第一一字「內」，麗作「止」。
- 一 九〇二頁中一四行「意足」，資、磧、普、徑、清、麗作「意定」。
- 一 九〇二頁中二〇行第一一字「隨」，資、磧、普、徑、清、麗作「墮」。
- 一 九〇二頁中末行第二字「今」，資、磧、普、徑、清作「令」。
- 一 九〇二頁下四行第九字「是」，資、磧、普、徑、清、麗作「是爲」。
- 一 九〇二頁下五行「四正」，資、磧、普、徑、清作「四止」。
- 一 九〇二頁下一九行「身可」，資、磧、普、徑、清作「身著當觀他」。
- 一 九〇三頁上九行末字「他」，資、磧、普、徑、清、麗作「地」。

- 一 九〇三頁上一七行第五字「墮」，資作「隨」。
- 一 九〇三頁上一九行第一一字「得」，資、磧、普、徑、清、麗作「但」。
- 一 九〇三頁上末行「索棄」，資、磧、普、徑、清作「索牽」。
- 一 九〇三頁中一一行第六字「肺」，資作「肺納」；磧、普、徑、清作「肺腑」。
- 一 九〇三頁中一三行首字「腹」，資、磧、普、徑、清、麗作「腸」。又第六字「泡」，資、磧、普、徑、清作「胞」。
- 一 九〇三頁中一五行末字「肌」，資、磧、普、徑、清作「肥」。
- 一 九〇三頁中一六行「骨鏤」，資作「骨瑣」。
- 一 九〇三頁中一七行第四字「日」，資、磧、普、徑、清、麗作「白」。又「車輻」，資、磧、普、徑、清作「車輪」。
- 一 九〇三頁下六行「息意」，麗作「自意」。

- 一 九〇三頁下七行第三字「言」，資、磧、普、徑、清、麗作「意」。
- 一 九〇三頁下一八行「腸膿」，資、磧、普、徑、清、麗作「腸胃」。
- 一 九〇三頁下末行第八字「所」，徑、清作「與」。
- 一 九〇四頁上七行末字「國」，資、磧、普、徑、清、麗作「俱」。
- 一 九〇四頁中一行「夭逝」，資、磧、普、徑、清作「夭折」。
- 一 九〇四頁中七行至次行首字「目守意止自色」，資、磧、普、徑、清、麗作「自守意止目色」。
- 一 九〇四頁中一二行「五首」，資、磧、普、徑、清、麗作「五道」。
- 一 九〇四頁中一五行「從五陰」，資、磧、普、徑、清作「定五陰」。
- 一 九〇四頁中二一行「懷身」，資、磧、普、徑、清、麗作「壞身」。
- 一 九〇四頁中二二行第三字「愛」，資、磧、普、徑、清作「受」。